

Presidente di Camara di Comercio Edwin Roos riba discurso di Gobernador

“Gobernador a mustra hopi curashi di pone puntonan cla y raspa dilanti tur hende”

Roos tabata sorprendi pero den un forma positivo



Presidente di Camara di Comercio, Edwin Roos

ORANJESTAD-Gobernador di Aruba a mustra hopi curashi di pone puntonan cla y raspa dilanti tur hende durante e discurso diabierna ultimo relaciona cu e recepcion di anja nobo. Esaki tabata comentario di presidente di Camara di Comercio, Edwin Roos. E loke cu Gobernador a relata, ta algo cu nos tur sa di dje, pero ora cu ta wordo confronta di dje di e forma ei, den palabra cla, e ta un ‘eye-opener’ y e por ta un bon comienso pa e anja aki segun Roos.

E hecho cu Gobernador a haya critica cu e la firma e lei mucho liher anja pasa, mester wordo separa di e loke e la haci diabierna. Ta conoci cu Camara di Comercio, a pone su pregunta (aunke no

official) riba e hecho con bin Gobernador a firma e lei asina liher. Pero esaki no ta kita afor cu Kamer ta aserca ora cu e proceso ta tuma lugar cu e Gobernador mester firma un documento. “Mi no por haci un uitspraak di con e la bai” Roos a bisa, pero e ta asumi cu e la bai na un forma legal, y ta algo cu mester biba cune.

E hecho cu ta papia di un curashi di e contenido di Gobernador, ta mustra cu Roos tabata sorprendi, pero di otro banda e la haya ta bon cu Gobernador a pone riba un rij, e rol y respet cu tur stakeholders mester haya den e procesonan cu nos ta pasa aden pa pasa un lei. Y esei a wordo poni bon cla y menciona. E parti di Parlamento, e parti

di Gobierno, e parti di e instancianan consultativo cu mester haya nan debido tempo pa bin cu un conseho cu tin e calidad cu mester pa pasa e lei, y e rol di Gobernador.

No ta considera cu e discurso a bin mucho laat. Esta despues di cu Gobernador a haya tur critica di mundo cu e por a haya.

E comentarionan aki Roos no ta comparti. No ta porta na ki momento, pero e importante ta cu mester duna bo opinion y percura cu bo por aporta na e calidad di gobernacion y sociedad en general. Esei Camara di Comercio ta haci continuamente. Esta e proyectonan di concientisa pa asina mehora e calidad di bida na Aruba en general.